



12.10.2022

UKA2022/71

Jens NapātôK', Naleraq

Neqinik eqqussinermi akitsuutit peerneqarnissaanik Naalakkersuisut peqquneqassasut Inatsisartut aalajangiiffigisassaattut siunnersuut.

(Inatsisartunut ilaasortaq Jens-Frederik Nielsen, Demokraatit)

Siullermeerineq:

Neqinik eqqussinermi akitsuutit peerneqarnissaanik Naalakkersuisut peqquneqassasut Inatsisartut aalajangiiffigisassaattut siunnersuut Inatsisartunut ilaasortap Jens-Frederik Nielsen, Demokratiner-suup siunnersuutaanut siunnersuuteqartoq qujassuteqarfigeriarlugu imatut Naleqqamiit siunnersuummut oqaaseqaateqassaagut.

2021-imi neqinik eqqussinermi nequnut akitsuutitsigut isertitarineqarsimapput 18 mio. 321 tusind kr.-it aningaasanilu inatsimmi ukioq mannamoortumut tassalu 2022-imi 14,7 mio. kr.-iupput aap-paagumullu aningaasanut inatsisissamut siunnersuummi naatsorsuutigineqarpoq 15,5 mio. kr.-it landskarsimut iluanaarutitut isertinneqassasut, taamatullu ukiunnut tulliutunut missingersuu-siorfiusunut isertitassat allannguuteqaratik missingersorneqarsimallutik.

Siunnersuummi anguniarneqartoq tassa Naleqqamiit anguniakkatta ilagilluinnarpaat akitsuutit innut-taasunut sunniutaasartut ulluinnarni inuunerannut aningaasarsiaanut annertuumik innarliisartooq aningaasat tigusartagaasa pisissutigisinnaasaat annertuumik innarlerlugu aallerfigineqartuarteri ingasappallaallersoq ingerlaannaleraluartooq Naleqqamiit akileraarutip qaavatigut akileraarutaasoq ingasagilerlugu nilliaateqarnikuugatta maannakkut siunnersuuteqartut ilaattut Demokraatit aamma qaffaassueqataasarnikut uani qinersivimmi nuannaarutigisatsinnik sunniutipuluutigisartagai paasilluarlugit ulluinnarni inuit inuuniarnerannut sunniutipiluutaasarnerat takulerlugit akitsuutit piiarniarlugit siunnersuuteqartaartalmata.

Tassa tamakku ilaatigut aamma peqqutaallutik inuppassuit akiitsoqartitserput annertuumik aningaasat tunniunneqartartut ilanngartorneqangaarmata inuit kaasarfiiniit aalleartarnerit



ingasangaarmata naammattusaarisut allaallu isertitaat ikingaarmata aningaasartuutissanut amigartooruteqartartut amerlasoorujussuupput nunatsinni.

Inuit isertittagaat misissuataarneraanni maannakkut suli nunap inui inuuniapiloortut akilersugassaminut akilersuisinnaassuseqarnerat annikitsuararsuunerat annertoorujussuuvoq.

50.000 kr. ataallugu isertitaqartartut nunatsinni 4.510-iupput 100.000 kr. ataallugu isertitaqartartut 8140-put taamatullu 200.000 kr. Ataallugu isertitaqartartut 17.884 kr.-iupput, ilaa kisititsit namminneq oqaluttuarput nunatsinni nunap inui inuuniapiloortorpassuusut aali akitsuusersuilluni ukiorpassuarni pilliutaajuartut, taamatullu ingerlatseqatigiiffittta selskaberpassuit akisunaaralutik ingerlatsiffigisai inuit akisunaaralutik ingerlatsisut aqquutigalugit aallerfigisaarnerat ingasattorujussuannortut millionerparujussuarnik nunap inui akiliinerutillugit aallertaarnerit ingerlanneqarnerat akinik apparasaataasussaagaluartut innarlertaarneqarput.

Taamaamat Akitsuutit ingasattajaartumik eqqussorneqalersimasut pillugit sakkortuuliortaarpugut Naleqqamiit taamatut inuit kaasarfiiniit aallertuarneq killeqartoq inuit ulluinnarni inuuniarnerannut akissaarullugit iliuseqartaarnerit ingasaleraluarmata.

Naleqqamiit nuannaarutigaarput akitsuutinik akitsuusersuinerujussuaq taamaattussaannartut isigalugu ingerlanneqalersimagaluartoq kiisami unitsinneqarnikuupput tamannalu angusaq Naleqqamiit sakkortuuliutigisarlugu angusaqarfiginikuugatsigu assorujussuaq nuannaarutigisarparput angusaqarfigigatsigu.

Anguniagarput akitsuutinik eqqussueqattaarunnaarluni piianissaq maanna partiit ilaat mumillutik maannakkut piiaaniarnerat assut Naleqqamiit naammagisimaarparput, pissusissamisoortutullu isigalutigu.

Siunnersuuteqartup aningaasalersornissaanut saqqummiussai Naleqqamiit tapersersinnaanngilluinnarparput ilanngaassivik inatsisartuni isummersorfigineqareernikoq toqqammavilersuutiginiagarigalua piarfissatut uagut Naleqqamiit isiginatigu peqataaffgisinnaanngilluinnaratsigu oqaatigeriissavarput.

Taamatullu aningaasalersornissaanut aappaattut siunnersuutigineqartoq silaannarmiit tiguneqarluni inissinneqarsimasoq uggoraarput ersarinnerusumik siunnersuummik imaqangimmat.



Naleraq

Taamaakkaluartoq anguniagarput akitsuutit piiarneqarnissaat anguniarlugu sulinissaq Naleqqamiit pingaartikkatsigu aningaasalersornissaanut siunnersuutit toqqaannaq isumaqatiginngikkaluarlutigit siunnersuut itigartikkusunngilarput, taamaammallu suliap ingerlaqqinnissaa kissaatigaarput.

Akitsuutit piiarneqarnissaat pillugu qanoq iliuseqarnissaq pingaartikkatigu Naalakkersuisooqataaleratta anguniarneqarnissaanut qanoq iliuseqarnissamik pilersaaruserluni tulleriaarinissaq siunnerfiunikuuvoq, taannalu maannakkut malunnarpoq ingerlaqqissimanngitsoq Naalakkersuisup akissuteqarneratigut.

Naleqqamiit isumaqarpugut akitsuutinik piianeq alloriarneq siullertut taallugu siorna kaffi the, timmissallu akitsuutaat peerneqarput ukioq mannalugu alloriarneq tullertut siunnerfeqartoqarluni aaqqiinissap aappaattut taallugu alloriaateqartoqassasoq, tamannalu maannakkut malunnarpoq Naalakkersuisooqatigiit anguniarpassinngikkaat soorluuna malunnarpoq, allaat kaffe the timmissat akitsuutaat pillugit naammasseriikkat akitsuuteqalernissaat Siumut qaqilertalerpaat, tamannalu Naleqqamiit peqataaffigisinnaannginnatsigu oqaatigeriissavarput.

Akitsuutit piiarnissaat oqaasiinnaanngitsumik timitalersorlugu nangillugu ingerlaqqinnissaat Naleqqamiit pingaartilluinnarlutigu siunnersuut tapersorlutigu aningaasaqarnermut akileraartarnermullu ataatsimiititaliamut sukumiisumik suliassanngorlugu Naleqqamiit ingerlatseqqipparput